



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 17. Quid Ægyptii objecerint.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. stis. A. C. 451. Omnes exclamarunt: *Deus deposuit Dioscorum! æquum fuit, deponi Dioscorum! JEsus Christus deposuit Dioscorum!* Per aliquot horas expectatum, donec redirent, qui Imperatoris responsum afferrent. Tum Magistratus dixerunt: *Imperator Noster Piissimus ea, quæ ad causam Episcoporum, Juvenalis, Thalassii, Eusebii, Basilii, & Eustathii pertinent, Vestro Judicio relinquit; ergo, quid agendum, mature perpendite; de his enim rationem a vobis exposcet Deus.* Anatolius dixit: *petimus, ut ad nos ingrediantur!* Omnes Episcopi exclamarunt: *rogamus, ut intrent! reddite Concilio illos, qui eadem nobiscum sentiunt, qui Leonis Epistolæ subscripserunt.* Magistratus dixerunt: *intrent!* His igitur quinque Episcopis intransibus, & confidentibus, alii omnes exclamabant: *Dei hoc opus est! plurimos annos Imperatori! diutissime vivant Proceres! Senatus vivat! rediit concordia! Ecclesiarum Pacem tenemus!*

§. XVII.

Quid Ægyptii objecerint.

Quosdam Episcopos Ægyptios deinde intrare Magistratus jusserunt, qui Libellum supplicem Imperatori obtulerant. Tredecim ii erant, & omnibus consentientibus assederunt. Libellus eorum, omnium Episcoporum Ægypti nomine

nomine traditus, aliud nihil continebat, nisi hæc pauca; ipsos Fidem Catholicam sequi, & omnes Hæreticos damnare, præprimis illos, qui Domini Nostri Carnem de Cœlo, non autem de S. Maria Virgine, venisse dicerent. Episcopi exclamarunt: *Quare Eutycheis Doctrinæ anathema non dixerunt? hunc Libellum fraudulenter obtulerunt. Leonis Epistolæ subscribant! illudere nobis cupiunt, & deinde abire.* Diogenes Cyzicenus dixit: *Concilium propter Eutychem convocatum fuit; vel edicat aliquis! an alia causa fuit? Archiepiscopus Romanus propter Eutychem suam Epistolam edidit; omnes ipsius Epistolæ, quæ Patrum Expositionibus congruit, consensimus; jam & isti consentiant!* Legati per os Pascasini dixerunt: *palam fateantur, num Sedis Apostolicæ Epistolæ consentiant, & Eutychem anathematizent!*

Episcopi Ægyptii, loquente omnium nomine Hierace, inter ipsos Principe, dixerunt: *si quis aliud sentit, quam quod in nostro Libello legere est, sive Eutyches, sive alius quisquam, Anathema sit! quod vero Epistolam Sanctissimi Archiepiscopi Leonis respicit, nemo Episcoporum ignorat, nos semper Archiepiscopi nostri sententiam in omnibus expectare. Id Concilium Nicænum decrevit; ut tota Ægyptus exemplum Archiepiscopi Alexandrini sequa-*

Sæculum V.
A. C. 451.

Libellus
Ægyptio-
rum.

p. 514.

Sæculum V. *sequatur, & nullus sine ipso quidquam agat.*

A. C. 451. Eusebius Doryleensis dixit: *mentiuntur!*

Florentius Sardensis: *demonstrent, quod affirmant!* Omnes exclamarunt: *missi ambagibus, Eutychis Doctrinam anathematizate! quisquis Epistolæ, quam Concilium approbavit, non subscribit, Hereticus est. Anathema Dioscoro, & omnibus ejus Fautoribus! si Orthodoxi non sunt, quomodo Episcopum ordinabunt?* Pascalinus dixit: *Ecce Episcopos, ætate graves, qui in suis Ecclesiis consenuerunt, Fidem Catholicam necdum didicerunt, & quid alius crediturus sit, expectant!*

Ægyptii clamarunt: *Anathema Eutychi, & illis, qui ipsi credunt!* Nihilominus instabant Patres, ut S. Leonis Epistolæ subscriberent, secus excommunicarentur. Hierax dixit: *Episcopi Provinciae nostræ maximo numero sunt, non vero pauci nimis, ut omnium nomine, quidquam decernamus. Amplitudinem tuam, & Sacrum Concilium supplices rogamus, ut nostri misericordia moveamini, si enim quidquam præter voluntatem nostri Archiepiscopi egerimus, totius Ægypti Episcopi tanquam Canonum transgressores nos persequentur; miseremini Senectutis nostræ!* Tunc vero omnes tredecim Episcopi isti Ægyptii, super pavimento prostrati, preces repetebant: *miserere nostri! memineritis, Episcopos oportere esse*

esse humanos! Cecropius Sebastopolitanus Sæculum V. A. C. 451.
 dixit: *Concilium Oecumenicum potius si-*
dem meretur quam Ægyptiorum; æquum
non est, decem Hæreticis aures dare, con-
temptis mille ducentis Episcopis. Non pe-
timus, ut aliorum Fidem confiteantur, sed
suam. Cecropium, dum de mille ducen-
tis Episcopis mentionem facit, de Episco-
porum numero in toto Mundo id velle
accipi, conijcere est. Ægyptii exclama-
runt: in illa Provincia ultra manere no-
bis non licebit; miserescite! Eusebius Do-
ryleensis: Delegati sunt omnium Ægy-
ptiorum, ergo cogendi, ut Concilio Oecu-
menico consentiant! Legatus Lucentius
ad Magistratus: docete hos viros, si nes-
cient, Episcoporum decem opinionem sex-
centorum Episcoporum Concilio nocere non
posse. ()*

Ægyptii clamarunt: *interficiemur!*
miserescite! Omnes alii Episcopi: atten-
dite, quæsumus! quam pium de Collega-
rum suorum indole testimonium proferant!
Ægyptii: neci dabimur, miserescite! vel
hic potius nos interficite! Hic nobis no-
vum Archiepiscopum date! non ignorat
Anatolius Ægyptiorum morem. Non
resistimus Concilio, sed in Patria nostra
occidemur, miserescite! summa est vobis
poten-

(*) Hic habemus Numerum Episcoporum,
 qui in Concilio Calcedonensi federunt.

Sæculum V. *potentia; malumus hic Imperatore, vobis,*
A. C. 451. *& Concilio jubentibus mori! per Dei amo-*
rem ne despiciate canos nostros, parcite de-
cem vitis! vita nostra in manibus vestris
posita est. Si cui Sedes nostras Episcopa-
les invadere cupiditas est, invadat! nolu-
mus ultra Episcopi esse; unicum est, quod
 p. 518. *petimus, ne moriamur! date nobis Archi-*
episcopum, & si resistimus, punite! deli-
gite Archiepiscopum! hic expectabimus,
donec ordinatus fuerit.

Magistratus dixerunt: *æquum nobis*
videtur, ut Episcopi Ægyptii, ita ut sunt,
Constantinopoli maneant, donec Episcopus
in Sedem Alexandrinam fuerit ordinatus.
 Pascasinus dixit: *ergo promittant, hæc*
urbe se non excessuros, dum Alexandria
Episcopum habeat! Jusserunt Magistratus,
ut si plura non possent, saltem juramento
se obligarent, se non fugituros.

§. XVIII.

Abbatum Schismaticorum Libellus.

His peractis, jubentibus Proceribus, &
 Concilio, Faustus, Martinus, Petrus,
 Manuel, & plures alii, Presbyteri, & Ab-
 bates Catholici, numero decem & octo,
 ingressi sunt. His ingressis, & sedentibus,
 Magistratus recitari jusserunt octodecim
 aliorum, qui Abbates dicebantur, no-
 mina; hi, Caroso, & Dorotheo Ducibus,
 Libellum supplicem Imperatori tradide-
 rant;